

ք. Երևան

«01-ը» նոյեմբերի 2019թ.

«Հայաստանի հանրային հեռուստաընկերություն» փակ բաժնետիրական ընկերությունը (այսուհետ՝ Պատվիրատու), ի դեմս գործադիր տնօրեն Մ.Գրիգորյանի, ով գործում է ընկերության Կանոնադրության հիման վրա, մի կողմից, և

«Մառա և դուստրեր» սահմանափակ պատասխանատվությամբ ընկերությունը (այսուհետ՝ Կատարող), ի դեմս տնօրեն Մ.Հունյանի, ով գործում է ընկերության Կանոնադրության հիման վրա, մյուս կողմից,

(այսուհետ յուրաքանչյուրն առանձին՝ Կողմ, միասին՝ Կողմեր),
կնքեցին սույն պայմանագիրը (այսուհետ՝ Պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

- 1.1. Սույն Պայմանագրով Կատարողը Պատվիրատուի հանձնարարությամբ ստանձնում է սույն Պայմանագրի Հավելված 1-ով սահմանված նախագծանախահաշվարկային աշխատանքների (այսուհետ՝ Աշխատանքներ) կատարման պարտավորությունը, իսկ Պատվիրատուն պարտավորվում է ընդունել Աշխատանքները և վճարել դրանց դիմաց սույն Պայմանագրով սահմանված կարգով, չափով և ժամկետում:
- 1.2. Կողմերը երաշխավորում և հավաստում են, որ իրավասու են ստորագրելու սույն Պայմանագիրը և ունեն սույն Պայմանագիրը կատարելու համար բոլոր անհրաժեշտ իրավունքները, թույլտվությունները և համաձայնությունները:
- 1.3. Կատարողը երաշխավորում է, որ Աշխատանքները կատարվելու են Հայաստանի Հանրապետության օրենսդրությամբ սահմանված ստանդարտներին, շինարարական նորմերին և կանոններին, ինչպես նաև սույն Պայմանագրով սահմանված տեխնիկական բնութագրին համապատասխան:
- 1.4. Սույն Պայմանագրով սահմանված Աշխատանքները կատարվելու են մինչև 2019թ.-ի դեկտեմբերի 25-ը ներառյալ, եթե սույն Պայմանագրի Հավելված 1-ում առանձին տեսակի աշխատանքների կատարման համար այլ ժամկետ սահմանված չէ:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

- 2.1. **Պարվիրապուն իրավունք ունի՝**
 - 2.1.1. Կատարողից պահանջել սույն Պայմանագրով նախատեսված Աշխատանքները կատարել պատշաճ որակով, Պայմանագրով սահմանված ժամկետում և ՀՀ օրենսդրությամբ սահմանված կիրառելի ստանդարտներին, շինարարական նորմերին, կանոններին, սույն Պայմանագրով սահմանված տեխնիկական բնութագրին համապատասխան,
 - 2.1.2. Ցանկացած ժամանակ ստուգել Կատարողի կողմից կատարվող Աշխատանքների ընթացքը և որակը՝ առանց միջամտելու Կատարողի գործունեությանը՝ պահանջելով տրամադրել Աշխատանքների կատարման ընթացքի և որակի վերաբերյալ Պատվիրատուին հետաքրքրող տեղեկատվությունը,
 - 2.1.3. Պահանջել Կատարողից աջակցել Պատվիրատուին Աշխատանքների կատարման ընթացքը և որակը ստուգելիս, ինչպես նաև Աշխատանքներն ընդունելիս՝
 - 2.1.4. Սույն Պայմանագրով իր ակնկալած արդյունքին հասնելու նպատակով Կատարողին տալ Աշխատանքների կատարմանը վերաբերելի ողջամիտ ցուցումներ,
 - 2.1.5. Եթե կատարվել է սույն Պայմանագրում նշված Աշխատանքներին չհամապատասխանող աշխատանք, ապա Պատվիրատուն իրավունք ունի,
 - I. Չընդունել աշխատանքները՝ իր հայեցողությամբ սահմանելով անպատշաճ որակի աշխատանքը սույն Պայմանագրին համապատասխանող Աշխատանքներով անհատույց փոխարինելու ողջամիտ ժամկետ և պահանջել Կատարողից վճարելու սույն Պայմանագրով նախատեսված տուգանքը և տույժը,
 - II. Հրաժարվել Պայմանագիրը կատարելուց և պահանջել վերադարձնելու Աշխատանքների համար վճարված գումարը, եթե Աշխատանքների համար արդեն իսկ վճարվել է և պահանջել Կատարողից վճարելու սույն Պայմանագրով նախատեսված տուգանքը,
 - III. Միակողմանի լուծել սույն Պայմանագիրը, եթե Կատարողն էականորեն խախտել է Պայմանագիրը: Կատարողի կողմից Պայմանագիրը խախտելն էական է համարվում, եթե՝
 - Կատարված Աշխատանքները չեն համապատասխանում սույն Պայմանագրով սահմանված պահանջներին,
 - Խախտվել է Աշխատանքների կատարման ժամկետ(ներ)ը,

2.1.6. Պահանջել Կատարողից ամբողջությամբ հատուցել Աշխատանքների կատարման ընթացքում Պատվիրատուին պատճառված վնասը՝ ներառյալ բաց թողնված օգուտը:

2.2. Պարվիրատուն պարտավոր է՝

2.2.1. Կատարողին ապահովել սույն Պայմանագրով սահմանված Աշխատանքների կատարման համար անհրաժեշտ բոլոր պայմաններով, այդ թվում, բայց չսահմանափակվելով, տրամադրել տեղեկատվություն այն տարածքների վերաբերյալ, որոնց վերանորոգման նպատակով կնքվել ու կատարվելու են սույն Պայմանագրով սահմանված Աշխատանքները, փաստաթղթեր, Կատարողի ներկայացուցիչներին Պատվիրատուի տարածք մուտք գործելու հնարավորություն և այլն,

2.2.2. Քննարկել և ընդունել Պայմանագրին համապատասխան կատարված Աշխատանքների արդյունքը, իսկ Աշխատանքների արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին,

2.2.3. Աշխատանքների արդյունքն ընդունելու դեպքում սույն Պայմանագրով սահմանված կարգով, չափով և ժամկետում Կատարողին վճարել վերջինիս վճարման ենթակա գումարը:

2.3. Կարարողն իրավունք ունի՝

2.3.1. Սույն Պայմանագրով սահմանված Աշխատանքների կատարման նպատակով Պատվիրատուից պահանջել ապահովել սույն Պայմանագրի 2.2.1 կետով սահմանված պայմանները,

2.3.2. Պատվիրատուից պահանջել սույն Պայմանագրով սահմանված կարգով և ժամկետում ընդունել պատշաճ կատարված Աշխատանքները,

2.3.3. Պատվիրատուից պահանջել վճարել կատարված Աշխատանքների դիմաց սույն Պայմանագրով սահմանված կարգով, չափով և ժամկետում:

2.4. Կարարողը պարտավոր է՝

2.4.1. Սույն Պայմանագրով նախատեսված Աշխատանքները կատարելիս համաձայնեցնել և հաշվի առնել Աշխատանքների արդյունքի հետ կապված Պատվիրատուի պատկերացումները և ակնկալիքները,

2.4.2. Սույն Պայմանագրով նախատեսված Աշխատանքները կատարել պատշաճ որակով, սույն Պայմանագրով սահմանված ժամկետում և ՀՀ օրենսդրությամբ սահմանված կիրառելի ստանդարտներին, շինարարական նորմերին, կանոններին, Պայմանագրով սահմանված տեխնիկական բնութագրին համապատասխան,

2.4.3. Աշխատանքները կատարել անձամբ, սեփական ուժերով և միջոցներով: Աշխատանքների կատարմանը Կատարողի կողմից երրորդ անձանց ներգրավելը հնարավոր է միայն Պատվիրատուի նախնական գրավոր համաձայնության հիման վրա,

2.4.4. Աջակցել Պատվիրատուին Աշխատանքների կատարման ընթացքը և որակը ստուգելիս, ինչպես նաև Աշխատանքներն ընդունելիս, սույն Պայմանագրի 2.1.2 կետով սահմանված կարգով Պատվիրատուի համապատասխան պահանջը ստանալուց 1 (մեկ) աշխատանքային օրվա ընթացքում Պատվիրատուին տրամադրել Աշխատանքների կատարման ընթացքի և որակի վերաբերյալ Պատվիրատուին հետաքրքրող տեղակատվությունը,

2.4.5. Հետևել սույն Պայմանագրի պայմանների սահմաններում Պատվիրատուի տված ողջամիտ ցուցումներին,

2.4.6. Նախագծային փաստաթղթերի մշակման ժամանակ՝

- 1) շինարարական ծրագրի կատարման համար օգտագործվող նյութերի տեխնիկական բնութագրերը կազմել «Գնումների մասին» ՀՀ օրենքի 13-րդ հոդվածի պահանջներին համապատասխան,
- 2) ներկայացնել կապալի օբյեկտի, դրա առանձին մասերի (կոնստրուկցիաներ և այլն) և օգտագործված նյութերի երաշխիքային ժամկետներին ներկայացվող նվազագույն պահանջները,
- 3) ներկայացնել շինարարական ծրագրի կատարման համար անհրաժեշտ լիցենզիային, տեխնիկական միջոցներին և աշխատանքային ռեսուրսներին ներկայացվող պահանջները,
- 4) Պատվիրատուին նախագծային փաստաթղթերը ներկայացնել թղթային և էլեկտրոնային տարբերակներով,
- 5) ներկայացնել ըստ Աշխատանքների առանձին տեսակների կատարման օրացուցային գրաֆիկը:

2.4.7. Պատվիրատուի կողմից սահմանված ողջամիտ ժամկետում անհատույց վերացնել Աշխատանքների ընդունման ընթացքում հայտնաբերված թերությունները,

2.4.8. Պայմանագրի կատարման ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

3. ԱՇԽԱՏԱՆՔՆԵՐԻ ՀԱՆՁՆՄԱՆ-ԸՆԴՈՒՆՄԱՆ ԿԱՐԳԸ

3.1. Աշխատանքների կատարման համար սույն Պայմանագրով սահմանված ժամկետի լրանալուց 3 (երեք) աշխատանքային օրվա ընթացքում Կատարողը Պատվիրատուին է ներկայացնում իր կողմից հաստատված հանձնման-ընդունման ակտը և հաշիվ առաձևօտստո՞ո՞:

- 3.2. Հանձնման-ընդունման ակտը Կատարողի կողմից ներկայացվելու օրվանից 3 (երեք) աշխատանքային օրվա ընթացքում Պատվիրատուն Կատարողի աջակցությամբ ստուգում է կատարված աշխատանքների որակը և առարկությունների բացակայության դեպքում հաստատում է հանձնման-ընդունման ակտը և հաշիվ-ապրանքագիրը:
- 3.3. Եթե կատարված աշխատանքը կամ դրա մի մասը չի համապատասխանում սույն Պայմանագրի պայմաններին, ապա Պատվիրատուն չի ստորագրում հանձնման-ընդունման ակտը և սույն Պայմանագրի 3.2 կետում նշված ժամկետում Կատարողին գրավոր ներկայացնում է հանձնման-ընդունման ակտը չհաստատելու հիմնավորում՝ նշելով կատարված աշխատանքի արդյունքում հայտնաբերված թերությունները: Սույն կետի կիրառման դեպքում Պատվիրատուն ձեռնարկում է նման իրավիճակի համար Պայմանագրով նախատեսված միջոցները, ինչպես նաև Կատարողի նկատմամբ կիրառում Պայմանագրով նախատեսված պատասխանատվության միջոցները:
- 3.4. Եթե Պայմանագրի 3.2 կետով սահմանված ժամկետում Պատվիրատուն չի ընդունում կատարված Աշխատանքները կամ չի մերժում դրանց ընդունումը, ապա հանձնման-ընդունման ակտը համարվում է հաստատված Պատվիրատուին ներկայացնելու ամսաթիվով:

4. ՊԱՅՄԱՆԱԳՐԻ ԳԻՆԸ և ՎՃԱՐՄԱՆ ԿԱՐԳԸ

- 4.1. Պայմանագրով Կատարողի կողմից կատարման ենթակա Աշխատանքների գինը կազմում է 720 000 (յոթ հարյուր քսան հազար) ՀՀ դրամ՝ համաձայն սույն Պայմանագրի Հավելված 1-ում նշված նախահաշվի: Աշխատանքների գինը ներառում է Կատարողի կողմից իրականացվող բոլոր ծախսերը, այդ թվում, բայց չսահմանափակվելով՝ հարկերը, տուրքերը և ՀՀ օրենսդրությամբ սահմանված այլ վճարները: Աշխատանքների գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:
- 4.2. Պատվիրատուն կատարված Աշխատանքների դիմաց վճարում է համապատասխան հանձնման-ընդունման ակտի և հաշիվ-ապրանքագրի երկկողմանի հաստատվելուց հետո 30 (երեսուն) աշխատանքային օրվա ընթացքում:
- 4.3. Սույն Պայմանագրով վճարումն իրականացվում է անկանխիկ եղանակով՝ դրամական միջոցները Կատարողի բանկային հաշվեհամարին փոխանցելու միջոցով:
- 4.4. Վճարման ամսաթիվ է համարվում Պատվիրատուի բանկային հաշվից դրամական միջոցների ելքագրման ամսաթիվը:
- 4.5. Բանկային ծախսերը Պատվիրատուի բանկում կատարում է Պատվիրատուն, իսկ Կատարողի բանկում՝ Կատարողը:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

- 5.1. Կողմերը պատասխանատվություն են կրում սույն Պայմանագրով նախատեսված պարտականությունների չկատարման կամ ոչ պատշաճ կատարման համար:
- 5.2. Սույն Պայմանագրի 1.3. կետով սահմանված պահանջներին չհամապատասխանող Աշխատանքներ կատարելու դեպքում Պատվիրատուն իրավասու է Կատարողից գանձել տուգանք՝ սույն Պայմանագրի 4.1 կետով սահմանված գումարի 10 (տասը) տոկոսի չափով, ինչպես նաև պահանջել իր կրած վնասների, ներառյալ, բայց չսահմանափակվելով, խախտված իրավունքները վերականգնելու համար կատարված ծախսերի և բաց թողնված օգուտի հատուցում: Ընդ որում, տուգանքը հաշվարկվում, իսկ վնասների հատուցման պահանջը ներկայացվում է նաև Աշխատանքները սույն Պայմանագրով սահմանված ժամկետում կատարելու, Պատվիրատուի կողմից դրանց ընդունվելու, սակայն հետագայում կատարված Աշխատանքների արդյունքը պետական կամ տեղական կառավարման մարմինների կողմից չընդունվելու այն դեպք(եր)ում, երբ համապատասխան մարմինը որպես այդպիսի չընդունման հիմք նշում է կատարված Աշխատանքների ՀՀ օրենսդրությամբ սահմանված կիրառելի ստանդարտներին, շինարարական նորմերին, կանոններին չհամապատասխանելու փաստը:
- 5.3. Պայմանագրով նախատեսված Աշխատանքների կատարման ժամկետը խախտելու դեպքում Կատարողից կետանցի յուրաքանչյուր օրվա համար գանձվում է տույժ՝ կատարման ենթակա, սակայն չկատարված Աշխատանքների գնի 0,5 (զրո ամբողջ հինգ տասնորդական) տոկոսի չափով:
- 5.4. Սույն Պայմանագրի 5.2. և 5.3. կետերով նախատեսված տուգանքը և տույժը հաշվարկվում և հաշվանցվում են Աշխատանքները կատարելու արդյունքում Կատարողին վճարման ենթակա գումարներից, իսկ Աշխատանքների արդյունքը Պատվիրատուի կողմից ընդունված լինելու պարագայում՝ Պատվիրատուի կողմից ներկայացված պահանջագրով սահմանված կարգով:
- 5.5. Շինարարական ծրագրերի կատարման ընթացքում նախագծային շեղումներ առաջանալու դեպքում Կատարողը Պատվիրատուին վճարում է տուգանք՝ յուրաքանչյուր արձանագրված շեղման հետևանքով առաջացած կորստի չափով: Ընդ որում՝
 1. շեղում է համարվում աշխատանքների կատարման ուղղությամբ Հաստատված Հանձնարարական

նախագծային փաստաթղթերի ամփոփ նախահաշվով չնախատեսված աշխատանքների ծախսերի համար նախատեսված չափը, ներառյալ ավելացված արժեքի հարկը, գերազանցող լրացուցիչ ծավալի աշխատանքների ի հայտ գալը, իսկ տուգանքի չափը հավասար է լրացուցիչ ծավալի աշխատանքների չափին,

11. կորուստ են համարվում նախագծային այնպիսի շեղումները, որոնք հանգեցնում են փաստացի կատարված աշխատանքների փոփոխմանը (քանդման, վերակառուցման և այլն) և լրացուցիչ աշխատանքների կատարմանը, իսկ տուգանքի չափը հավասար է կորստի և Հայաստանի Հանրապետության օրենսդրությամբ սահմանված կարգով հաստատված և փորձաքննական եզրակացություն ունեցող նախագծային փաստաթղթերի աշխատանքների ամփոփ նախահաշվով չնախատեսված աշխատանքների ծախսերի համար նախատեսված չափը, ներառյալ ավելացված արժեքի հարկը, գերազանցող լրացուցիչ ծավալի աշխատանքների հանրագումարի չափին:
- 5.6. Կատարված Աշխատանքների դիմաց վճարելու սույն Պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ կետանցի յուրաքանչյուր օրվա համար հաշվարկվում է տույժ՝ վճարման ենթակա, սակայն չվճարված գումարի 0,5 (գրո ամբողջ հինգ տասնորդական) տոկոսի չափով, բայց ոչ ավելին, քան վճարման ենթակա գումարի 5 (հինգ) տոկոսը:
- 5.7. Պայմանագրով չնախատեսված դեպքերում Կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:
- 5.8. Տույժերի և (կամ) տուգանքների վճարումը Կողմերին չի ազատում սույն Պայմանագրով ստանձնած պարտականությունների ամբողջական կատարումից, եթե այլ բան նախատեսված չէ ՀՀ օրենսդրությամբ:

6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)

- 6.1. Սույն Պայմանագրով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներ են ջրհեղեղը, հրդեհը, երկրաշարժը, փոթորիկը, սողանքը, և բնական այլ աղետները, պայթյունը, պատերազմը, ռազմական և արտակարգ դրություն հայտարարելը, քաղաքացիական հուզումները, գործադուլները, հաղորդակցության միջոցների աշխատանքի դադարեցումը, համաճարակները, պետական մարմինների ակտերը և այլն, որոնք անհնարին են դարձնում սույն Պայմանագրով պարտավորությունների կատարումը:
- 6.2. Կողմը, որի մոտ ծագել է ֆորսմաժորային իրավիճակ, պետք է առաջին իսկ հնարավորության դեպքում, սակայն ոչ ուշ, քան նման իրավիճակի վրա հասնելուց 10 (տասը) աշխատանքային օրվա ընթացքում ծանուցի մյուս Կողմին նման իրավիճակի առաջացման, իսկ հետագայում նաև՝ բնականոն պայմանների վերականգնման մասին, հակառակ դեպքում կզրկվի ապագայում ֆորսմաժորային իրավիճակը որպես հիմնավորում օգտագործելու իրավունքից:
- 6.3. Ֆորսմաժորային իրավիճակի վերաբերյալ հանդիպակաց Կողմին ծանուցում ուղարկելու պահից Կողմի համապատասխան պայմանագրային պարտավորությունների կատարման պահանջը համարվում է կասեցված մինչև Պայմանագրի կատարման համար բնականոն պայմանների վերականգնումը:
- 6.4. Եթե արտակարգ ուժի ազդեցությունը շարունակվում է 1 (մեկ) ամսից ավելի, ապա Կողմերից յուրաքանչյուրն իրավունք ունի լուծելու Պայմանագիրը՝ այդ մասին նախապես տեղյակ պահելով մյուս Կողմին:

7. ԳԱՂՏՆԻՈՒԹՅՈՒՆ

- 7.1. Սույն Պայմանագրի վերաբերյալ բանակցություններին կամ Պայմանագրի պայմաններին, այդ թվում՝ արժեքին, Պայմանագրից բխող գործողություններին առնչվող ողջ տեղեկատվությունը (այդ թվում՝ փաստաթղթերը), բացառությամբ զանգվածային տեղեկատվության միջոցներում առկա տեղեկատվության (եթե այդպիսին առկա է), գաղտնի է և չի կարող տրամադրվել որևէ երրորդ կողմի, բացառությամբ մյուս Կողմի նախապես տրամադրված գրավոր համաձայնության կամ ՀՀ օրենսդրությամբ նախատեսված դեպքերի:
- 7.2. Կողմերը պարտավոր են սույն Պայմանագրի գործողության, ինչպես նաև հաջորդող 3 (երեք) տարիների ընթացքում, ապահովել համապատասխան տեղեկատվության գաղտնիությունը և պատշաճ պաշտպանությունը՝ գործադրելով առնվազն այնպիսի ջանքեր, ինչպիսիք կգործադրեին իրենց իսկ նման տեղեկատվության պաշտպանության համար:

8. ԵԶՐԱՓՈՒԿԻՉ ԴՐՈՒՅԹՆԵՐ

- 8.1. Սույն Պայմանագիրն ուժի մեջ է մտնում երկկողմանի ստորագրման պահից և գործում՝ մինչև Կողմերի սույն Պայմանագրով ստանձնած պարտավորությունների ողջ ծածկարկը կատարվելու և փորձաքննական

- կանոններին, ինչպես նաև սույն Պայմանագրով սահմանված տեխնիկական բնութագրին համապատասխան կատարումը:
- 8.2. Սույն Պայմանագիրը ստորագրող Կողմերի ներկայացուցիչները սույնով հաստատում են, որ ունեն բոլոր անհրաժեշտ լիազորությունները ստորագրելու սույն Պայմանագիրը և ներկայացնելու Կողմերին Պայմանագրով նախատեսված հարաբերություններում:
 - 8.3. Կողմերից որևէ մեկն իրավունք չունի սույն Պայմանագրով սահմանված իր իրավունքներն ու պարտականությունները փոխանցել երրորդ անձի՝ առանց մյուս Կողմի գրավոր համաձայնության:
 - 8.4. Սույն Պայմանագրից ծագած՝ Կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց Կողմերի նախնական գրավոր համաձայնության:
 - 8.5. Սույն Պայմանագրի Հավելված 1-ը հանդիսանում է Պայմանագրի անբաժանելի մասը:
 - 8.6. Սույն Պայմանագրի յուրաքանչյուր կետ կամ պայման իրենից ներկայացնում է առանձին և ինքնուրույն դրույթ: Եթե Պայմանագրի որևէ դրույթ դատական կարգով կամ այլ իրավասու մարմնի որոշմամբ ճանաչվի անվավեր կամ կատարման ոչ ենթակա, ապա սույն Պայմանագրի մնացած բոլոր դրույթները կպահպանեն իրենց ուժը, բացառությամբ ՀՀ օրենսդրությամբ նախատեսված դեպքերի:
 - 8.7. Սույն Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա սույն Պայմանագրի անբաժանելի մասը:
 - 8.8. Պայմանագրի շրջանակներում Կողմերի միջև փաստաթղթերի, ծանուցումների առաքումը, տեղեկությունների փոխանակությունն իրականացվում է գրավոր կերպով՝ սույն Պայմանագրի վավերապայմաններում նշված ծանուցման հասցեներով փոստային առաքմամբ կամ առձեռն հանձնելու միջոցով, կամ Կողմերի համաձայնությամբ նախատեսված այլ եղանակներով:
 - 8.9. Կողմերից յուրաքանչյուրի անվանման, հասցեի, վճարման կամ այլ վավերապայմանների փոփոխության դեպքում, համապատասխան Կողմը պարտավոր է այդ մասին պատշաճ կերպով գրավոր ծանուցել մյուս Կողմին՝ այդպիսի փոփոխությունից 5 (հինգ) աշխատանքային օրվա ընթացքում:
 - 8.10. Սույն Պայմանագրի առարկային վերաբերող և սույն Պայմանագրով ուղղակիորեն չկարգավորված բոլոր հարաբերությունները կարգավորվում են ՀՀ օրենսդրությամբ:
 - 8.11. Սույն Պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:
 - 8.12. Աշխատանքի կատարման ժամկետը կարող է երկարաձգվել մինչև Պայմանագրով այդ ժամկետի լրանալը՝ Կատարողի առաջարկության առկայության դեպքում՝ պայմանով, որ Պատվիրատուի մոտ չի վերացել Աշխատանքների արդյունքի օգտագործման պահանջը, իսկ Կատարողի առաջարկությունը ներկայացվել է ոչ ուշ, քան Պայմանագրով ի սկզբանե Աշխատանքների կատարման համար սահմանված ժամկետը լրանալուց առնվազն 5 (հինգ) օրացուցային օր առաջ: Ընդ որում, սույն կետով սահմանված դեպքում Աշխատանքների կատարման ժամկետը կարող է երկարաձգվել մեկ անգամ մինչև 30 (երեսուն) օրացուցային օրով, բայց ոչ ավել քան Պայմանագրով սահմանված ժամկետն է:
 - 8.13. Սույն Պայմանագրի պատշաճ կատարման պայմաններում Կողմերի (Կատարող կամ Պատվիրատու) օգուտները (խնայողությունները) կամ կրած վնասները տվյալ Կողմի օգուտը կամ կրած վնասն են:
 - 8.14. Սույն Պայմանագիրը կազմված է հայերեն լեզվով, երկու հավասարազոր օրինակներից: Յուրաքանչյուր Կողմին տրվում է Պայմանագրի մեկական օրինակ:

ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ԱՏՈՐԱԳՐՈՒԹՅՈՒՆՆԵՐԸ

Պատվիրատու
«Հայաստանի հանրային հեռուստաընկերություն» ՓԲԸ

Հասցե՝ ՀՀ, ք.Երևան, Գ.Հովսեփյան 26
 ՀՎՀՀ՝ 01540062
 «Արդշինբանկ» ՓԲԸ
 Հ/Հ՝ 2470102796740000

Մ.Գրիգորյան
 Գործադիր տնօրեն




Կատարող
«Մառա և դուստրեր» ՍՊԸ

Հասցե՝ ՀՀ, ք.Երևան, Փ.Բուզանդ 1/3
 ՀՎՀՀ՝ 02700688
 «Արդշինբանկ» ՓԲԸ
 Հ/Հ՝ 247010030911000

Մ.Հուսնյան
 Տնօրեն



ԿԱՏԱՐՎՈՂ ԱՇԽԱՏԱՆՔՆԵՐԻ ԱՆՎԱՆՈՒՄԸ, ՏԵԽՆԻԿԱԿԱՆ ԲՆՈՒԹԱԳԻՐԸ,
ԺԱՄԿԵՏՆԵՐԸ և ԱՐԺԵՔԸ

Հ/Հ	Կատարվող աշխատանքի անվանումը	Կատարվող աշխատանքի տեխնիկական բնութագիրը	Աշխատանքի հանձնման վերջնաժամկետը	Կատարվող աշխատանքի արժեքը /ՀՀ դրամ/
1)	Նախագծանախահաշվա- յին փաստաթղթերի կազմման աշխատանքներ	1-ին հարկի ճախակողմյան միջանցքի ճախ կողմի ԱՍԲ-1 սարքարահի չօգտագործվող հատվածի ընթացիկ վերանորոգման նպատակով, նախագծանախահաշվային փաստաթղթերի կազմման աշխատանքներ՝ աշխատանքների ծավալների ուսումնասիրություն, դրանց տեխնիկական բնութագրի կազմում, տեխնիկական առաջադրանքի ձևակերպում, նախագծանախահաշվային աշխատանքների իրականացում:	05.11.2019	120 000
2)	Նախագծանախահաշվա- յին փաստաթղթերի կազմման աշխատանքներ	2-րդ հարկի ճակատային մասում գտնվող թվով 5 աշխատասենյակների (N 201, 202, 204, 205, 206) ընթացիկ վերանորոգման նպատակով, նախագծանախահաշվային փաստաթղթերի կազմման աշխատանքներ՝ աշխատանքների ծավալների ուսումնասիրություն, դրանց տեխնիկական բնութագրի կազմում, տեխնիկական առաջադրանքի ձևակերպում, նախագծանախահաշվային աշխատանքների իրականացում:	05.11.2019	108 000
3)	Նախագծանախահաշվա- յին փաստաթղթերի կազմման աշխատանքներ	Նկուղային հարկի աջակողմյան միջանցքի աջ հատվածի սկզբնամասում գտնվող թվով 3 աշխատասենյակների ընթացիկ վերանորոգման նպատակով, նախագծանախահաշվային փաստաթղթերի կազմման աշխատանքներ՝ աշխատանքների ծավալների ուսումնասիրություն, դրանց տեխնիկական բնութագրի կազմում, տեխնիկական առաջադրանքի ձևակերպում, նախագծանախահաշվային աշխատանքների իրականացում:	25.12.2019	86 000
4)	Նախագծանախահաշվա- յին փաստաթղթերի	Նկուղային հարկի ճախակողմյան միջանցքի սկզբնամասում գտնվող թվով 3 աշխատասենյակների ընթացիկ վերանորոգման նպատակով, նախագծանախահաշվային փաստաթղթերի կազմման աշխատանքներ՝ աշխատանքների ծավալների ուսումնասիրություն, դրանց տեխնիկական բնութագրի կազմում, տեխնիկական առաջադրանքի ձևակերպում, նախագծանախահաշվային աշխատանքների իրականացում:	25.12.2019	340 000

	աշխատանքներ	աշխատասենյակների ընթացիկ վերանորոգման նպատակով, նախագծանախահաշվային փաստաթղթերի կազմման աշխատանքներ՝ աշխատանքների ծավալների ուսումնասիրություն, դրանց տեխնիկական բնութագրի կազմում, տեխնիկական առաջադրանքի ձևակերպում, նախագծանախահաշվային աշխատանքների իրականացում:		
5)	Նախագծանախահաշվային փաստաթղթերի կազմման աշխատանքներ	4-րդ հարկի ծախսերի հատվածում գտնվող ծայնագրման աշխատասենյակների ընթացիկ վերանորոգման նպատակով, նախագծանախահաշվային փաստաթղթերի կազմման աշխատանքներ՝ աշխատանքների ծավալների ուսումնասիրություն, դրանց տեխնիկական բնութագրի կազմում, տեխնիկական առաջադրանքի ձևակերպում, նախագծանախահաշվային աշխատանքների իրականացում:	25.12.2019	66 000
Ընդհանուր արժեքը				720 000

ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ԱՏՈՐԱԳՐՈՒԹՅՈՒՆՆԵՐԸ

Պատվիրատու

«Հայաստանի հանրային հեռուստաընկերություն» ՓԲԸ

Հասցե՝ ՀՀ, ք.Երևան, Գ.Հովսեփյան 26
ՀՎՀՀ՝ 01540062

«Արդշինբանկ» ՓԲԸ
Հ/Հ՝ 2470102796740000

Մ.Գրիգորյան
Գործադիր տնօրեն



Կատարող

«Մառա և դուստրեր» ՍՊԸ

Հասցե՝ ՀՀ, ք.Երևան, Փ.Բուզանդ 1/3
ՀՎՀՀ՝ 02700688

«Արդշինբանկ» ՓԲԸ
Հ/Հ՝ 247010030911000

Մ.Հուսնյան
Տնօրեն

